



P R A V I L N I K
o izmjenama i dopunama Pravilnika o godišnjim finansijskim izvještajima
političkih stranaka

Sarajevo, novembar 2016. godine

Na osnovi člana 12. stav (4) Zakona o finansiranju političkih stranaka ("Službeni glasnik BiH", broj 95/12 i 41/16), Centralna izborna komisija Bosne i Hercegovine je na 81. sjednici, održanoj 10.11.2016. godine, donijela

P R A V I L N I K

o izmjenama i dopunama Pravilnika o godišnjim finansijskim izvještajima političkih stranaka

Član 1.

U Pravilniku o godišnjim finansijskim izvještajima političkih stranaka ("Službeni glasnik BiH", broj 96/13) u članu 3. (Finansijski izvještaj) stav (1) koji glasi: "Političke stranke podnose Centralnoj izornoj komisiji BiH godišnji finansijski izvještaj za svaku kalendarsku (računovodstvenu) godinu u tvrdoj kopiji. Političke stranke finansijske izvještaje mogu podnijeti i u elektronskoj formi." mijenja se i glasi:

"Političke stranke podnose Centralnoj izornoj komisiji BiH godišnji finansijski izvještaj za svaku kalendarsku (računovodstvenu) godinu **u elektronskoj formi putem aplikacije FI CIK BIH (u daljem tekstu: aplikacija)**. Potvrdu o podnesenom godišnjem finansijskom izvještaju i odštampane obrasce finansijskog izvještaja u PDF formatu ovjerene potpisom ovlaštenog lica i pečatom političke stranke dostavljaju Centralnoj izornoj komisiji BiH i u tvrdoj kopiji."

Član 2.

U članu 5. (Obrasci) stav (2) koji glasi: "Obrasci se moraju tačno, precizno i čitko popuniti štampanim slovima." mijenja se i sada glasi: "Obrasci se moraju tačno i precizno popuniti."

U članu 5. (Obrasci) iza stava (3) dodaje se novi stav (4) koji glasi: "Nakon što politička stranka unese podatke u obrasce godišnjeg finansijskog izvještaja u aplikaciju, dužna je odštampati godišnji finansijski izvještaj i potvrdu o podnesenom izvještaju u kojoj su sadržani sljedeći podaci: naziv političke stranke, šifra stranke koju određuje Centralna izborna komisija BiH, vrsta izvještaja, izvještajni period, ime i prezime lica koje je unijelo podatke u finansijski izvještaj i datum podnošenja izvještaja."

Član 3.

Naziv člana 6. koji glasi: "(Potvrda)" mijenja se i glasi: "(Potvrda o primljenom prilogu)".

Član 4.

U članu 13. (Izvori finansiranja) u stavu (1) tačka 2. koja glasi:

"Kreditno zaduženje političke stranke kod banaka u izvještajnom periodu – 3.2. Kreditno zaduženje političke stranke:

1) Ukupan iznos kreditnog zaduženja u izvještajnom periodu u KM."

mijenja se i glasi: "2. Ostali prihodi i drugo – 3.2 Ostali prihodi:

1) Ukupan iznos ostalih prihoda u izvještajnom periodu u KM."

U istom članu stav (4) koji glasi: "Ako politička stranka ostvari prihod koji nije obuhvaćen u stavu (1) ovog člana, dužna je uz Obrazac 3 dostaviti posebnu specifikaciju koja će sadržavati: naziv organizacionog dijela političke stranke, osnovu i vrstu ostvarenog prihoda, iznos prihoda i druge

činjenice kojima se dokazuje da ostvareni prihod nije moguće iskazati u prihodima navedenim u stavu (1) ovog člana.“ mijenja se i glasi:

“(4) Ako politička stranka ostvari prihod koji nije obuhvaćen u stavu (1) člana 13. Pravilnika o godišnjim finansijskim izvještajima političkih stranaka ili ostvari koristi od aktivnosti subjekata koji su na bilo koji način povezani sa političkom strankom ili su pod njenom kontrolom, dužna je takve prihode iskazati u obrascu 3.2 *Ostali prihodi* finansijskog izvještaja.“.

Član 5.

(1) Ovaj pravilnik stupa na snagu osmog dana od dana objavljivanja u “Službenom glasniku BiH“, a objavit će se u “Službenim novinama FBiH”, “Službenom glasniku RS“, “Službenom glasniku Brčko Distrikta BiH i web-stranici Centralne izborne komisije Bosne i Hercegovine.

(2) Odredbe člana 1. ovog pravilnika će se primjenjivati počev od 1.1.2017. godine.

Broj: 03-02-2-1614-1/16
Sarajevo, 10.11.2016. godine

Predsjednik

Dr. Ahmet Šantić